

四庫全書

子部

欽定四庫全書

子部

備急千金要方卷二

詳校官太醫院吏目臣朱桂

編修臣倉聖脈覆勘

總校官中書臣朱鈐

校對官庶吉士臣嚴福

謄錄監生臣蔣錦城

欽定四庫全書

備急千金要方卷二

唐孫思邈撰

宋林億等校正

婦人方

求子第一

論方灸法
轉女為男法

論曰夫婦人之別有方者以其胎妊生產崩傷之異故也是以婦人之病比之男子十倍難療經言婦人者衆陰所集常與濕居十四已上陰氣浮溢百想經心內傷

五藏外損姿顏月水去留前後交互瘀血停凝中道斷絕其中傷墮不可具論生熟二臟虛實交錯惡血內漏氣脉損竭或飲食無度損傷非一或瘡瘍未愈便合陰陽或便利於懸厠之上風從下入便成十二瘡疾所以婦人別立方也若是四時節氣為病虛實冷熱為患者故與丈夫同也惟懷胎妊而挾病者避其毒藥耳其雜病與丈夫同則散在諸卷中可得而知也然而女人嗜慾多於丈夫感病倍於男子加以慈戀愛憎嫉妬憂恚

染著堅牢情不自抑所以為疾根深療之難瘥故養生之家特須教子女學習此三卷婦人方令其精曉即于倉卒之秋何憂畏也夫四德者女子立身之樞機產育者婦人性命之長務若不通明于此則何以免于夭枉者哉故傳母之徒亦不可不學常宜繕寫一本懷挾隨身以防不虞也

論曰人之情性皆願賢已而疾不及人至於學問則隨情逐物墮於事業詎肯專一推求至理莫不虛棄光陰

沒齒無益夫婚姻養育者人倫之本王化之基聖人設教備論厥旨後生莫能精曉臨事之日昏爾若愚是則徒願賢已而疾不及人之謬也所實不達賢已之趣而妄徇虛聲以終無用今具述求子之法以貽後嗣同志之士或可覽焉

論曰夫欲求子者當先知夫妻本命五行相生及與德合并本命不在子休廢死墓中者則求子必得若其本命五行相尅及與刑殺衝破并在子休廢死墓中者則

求子了不可得慎無措意縱或得者於後終亦累人若其相生并遇福德者仍須依法如方避諸禁忌則所誕兒子盡善盡美難以具陳

禁忌法受胎時日推王相貴宿日法在二十七卷中

論曰凡人無子當為夫妻俱有五勞七傷虛羸百病所致故有絕嗣之患夫治之之法男服七子散女服紫石

門冬圓及坐藥盪胞湯無不有子也

七子散治丈夫風虛目暗精氣衰少無子補不足方

五味子

鍾乳粉

牡荊子

菟絲子

車前子

蔣蕈子

石斛

乾地黄

薯蕷

杜仲

鹿茸

遠志各八銖

附子

蛇床子

芎藭各六銖

山茱萸

天雄

人參

茯苓

黃耆

牛膝

各五銖

桂心

十銖

蓯蓉

十一銖

巴戟天

十二銖

右二十四味治下篩酒服方寸匕日二不知增至二匕以知為度禁如藥法不能酒者蜜和圓服亦得一
方加覆盆子八銖求子法一依後房中篇

朴硝盪胞湯治婦人立身已來全不產及斷緒久不產
三十年者方

朴硝

牡丹

當歸

大黃

桃仁

生用各
三銖

細辛

厚朴

桔梗

人參

赤芍藥

茯苓

桂心

甘草

牛膝

橘皮

各二
銖

附子

六
銖

蜚蠊

水蛭

各十
枚

右十八味㕮咀以清酒五升水五升合煮取三升分

四服日三夜一每服相去三時更服如常覆被取少汗汗不出冬日著火籠之必下積血及冷赤膿如赤小豆汁本為婦人子宮內有此惡物使然或天陰臍下痛或月水不調為有冷血不受胎若斟酌下盡氣力弱大困不堪更服亦可二三服即止如大悶不堪可食酢飯冷漿一口即止然恐去惡物不盡不大得藥力若能忍服盡大好一日後仍著導藥

千金翼方不用桔梗

甘草

治全不產及斷緒服前朴硝湯後著坐導藥方

皂莢

山茱萸

千金翼
作苦瓠

當歸

各一
兩

細辛

五味子

乾薑

各二
兩

大黃

礬石

戎鹽

蜀椒

各半
兩

右十味為末以絹袋盛大如指長三寸盛藥令滿內婦人陰中坐卧任意勿行走急小便時去之更安新者一日一度必下青黃冷汁汁盡即止可幸御即有子若未見病出亦可至十日安之一本別有葶藶砒

霜各半兩此藥為服朴消湯恐去冷惡物出不盡以
導藥下之值天陰冷不疼不須著導藥亦有著鹽為
導藥者然不如此藥其服朴消湯後即安導藥經一
日外服紫石門冬丸

紫石門冬圓治全不產及斷緒方

紫石英

天門冬

各三兩

當歸

芎藭

紫葳

卷栢

桂心

烏頭

乾地黄

牡蒙

千金翼作牡荊
外臺作牡蒙

禹餘糧

石斛

辛夷

各二兩

人參

桑寄生

續斷

細辛

厚朴

乾薑

食茱萸

牡丹

牛膝

各三十銖

栝子仁

兩一

薯蕷

烏賊骨

甘草

各一兩半

右二十六味為末蜜和丸如梧桐子大酒服十丸日

三漸增至三十丸以腹中熱為度不禁房室夫行不

在不可服禁如藥法比來服者不至盡劑即有娠

白薇圓主令婦人有子方

白薇

細辛

防風

人參

秦椒

白欬

一云白芷

桂心

牛膝

秦朮

蕪荑

沙參

芍藥

五味子

白殭蠶

牡丹

蟾蜍

各一兩

乾漆

栢子仁

乾薑

卷栢

附子

芎藭

各三銖

桃仁

紫石英

各一兩半

鍾乳

乾地黃

白石英

各三兩

鼠婦

半兩

水蛭

蜚蠊

各十五枚

吳茱萸

十八銖

麻布叩帳頭

一尺燒

右三十二味為末蜜和丸如梧桐子大酒服十五丸
日再稍加至三十丸當有所去小覺有異即停服
又方治久無子或斷緒上熱下冷百病皆治之方

白薇

乾地黄

乾薑

車前子

蜀椒

各十八銖

紫石英

藁本

石膏

菴藷子

卷栢

各三十銖

澤蘭

赤石脂

白龍骨

遠志

麥門冬

茯苓

太乙餘糧

各二兩

當歸

芎藭

蛇牀子

各一兩

白芷

覆盆子

桃仁

人參

各一兩半

桂心

蒲黃

各二兩半

細辛

三兩

橘皮

半兩

右二十八味為末蜜和丸如梧子大酒服十五丸日

再漸增以知為度亦可至五十丸慎猪雞生冷酢滑

魚蒜驢馬牛肉等覺有娠即停三月正擇食時可食

牛肝及心至四月五月不須但不可故殺令子短壽

遇得者大良

金城大守白薇圓治月水不利閉塞絕產十八年服此

藥二十八日有子方

白薇

細辛

各三十銖

人參

杜蘅

古今錄驗用牡蠣

牡蒙

厚朴

半復

白殭蠶

當歸

紫菀

各十八銖

牛膝

沙參

乾薑

秦朮

各半兩

蜀椒

附子

防風

各一兩半

石十七味為末蜜和丸如梧子大先食服三丸不知稍增至四五丸此藥不可長服覺有娠即止用之大

驗

崔氏有桔梗丹參十八銖

論曰古者求子多用慶雲散承澤圓今代人絕不用此雖未試驗其法可重故述之

慶雲散治丈夫陽氣不足不能施化施化無成方

覆盆子

五味子

各一升

菟絲子

二升

天雄

一兩

石斛

白朮

各三兩

桑寄生

四兩

天門冬

九兩

紫石英

二兩

右九味治下篩酒服方寸匕先食服日三素不耐冷者去寄生加細辛四兩陽氣不少而無子者去石斛加檳榔十五枚

承澤圓治婦人下焦三十六疾不孕絕產方

梅核仁

辛夷

各一升

葛上亭長

七枚

漉疏

三兩

藁本

一兩

澤蘭子

五合

右六味為末蜜和丸如大豆先食服二九日三不知

稍增若腹中無堅癖積聚者去亭長加通草一兩惡
甘草和藥先以苦酒搜散乃納少蜜和為丸

大黃圓治帶下百病無子服藥十日下血二十日下長
蟲及青黃汁三十日病除五十日肥白方

大黃

破如米豆
熬令黑

柴胡

朴硝

乾薑

各一升

芎藭

蜀椒

二兩

茯苓

如雞子
大一枚

右七味為末蜜和丸如梧桐子大先食服七丸米飲
下加至十丸以知為度五日微下

吉祥圖治女人積年不孕方

天麻

柳絮

牡丹

茯苓

乾地黄

桂心

各一兩

五味子

桃花

白朮

芎藭

各二兩

覆盆子

斗一

桃仁

一百枚

菟絲子

楮實子

各一升

右十四味為末蜜和丸如豆大每服空心飲苦酒下

五丸日中一服晚一服

消石大黃圓治十二癥瘕及婦人帶下絕產無子并服

寒食藥而腹中有癖者當先服大丸下之乃服寒食藥
大丸不下水穀但下病耳不至令人虛極方見第十一
卷中

秦椒圓治婦人絕產生來未產溫滌腑臟使玉門受子
精

秦椒

天雄

各十八銖

玄參

人參

白朮

鼠婦

白芷

黃耆

桔梗

露蜂房

白殭蠶

桃仁

蟾蜍

白薇

細辛

蕪荑

各一兩

牡蒙

沙參

防風

甘草

牡丹皮

牛膝

卷柏

五味子

芍藥

桂心

大黃

石斛

白朮

各三銖

栝子仁

茯苓

當歸

乾薑

各一兩半

澤蘭

乾地黄

芍藥

各一兩十八銖

乾漆

白石英

紫石英

附子

各二兩

鍾乳

二兩半

水蛭

七十枚

蜜蟲

一百枚

麻布叩複頭

七尺燒

右四十四味為末蜜丸如梧子大酒服十丸日再稍加至二十丸若有所去如豆汁鼻涕此是病出覺有

異即停

灸法

婦人絕子灸然谷五十壯在內踝前直下一寸婦人絕嗣不生胞門閉塞灸關元三十壯報之

婦人妊子不成若墮落腹痛漏見赤灸胞門五十壯在

關元左邊二寸是也右邊二寸名子戶

婦人絕嗣不生灸氣門穴在關元傍三寸各百壯

婦人子藏閉塞不受精疼灸胞門五十壯

婦人絕嗣不生漏赤白灸泉門十壯三報穴在橫骨當

陰上際

論曰陰陽調和二氣相感陽施陰化是以有娠而三陰
所會則多生女但妊娠二月名曰始膏精氣成于胞裏
至于三月名曰始胎血脉不流象形而變未有定儀見

金匱要略卷二
物而化是時男女未分故未滿三月者可服藥方術轉
之令生男也

丹參圓治婦人始覺有娠養胎并轉女為男方

丹參

續斷

芍藥

白膠

白朮

栢子仁

甘草

人參

芍藥

乾薑

各三
銖

吳茱萸

橘皮

當歸

各一兩
十八銖

白芷

冠纓

燒灰各
一兩

乾地黄

一兩
半

蕪荑

十八
銖

犬卵

一具
乾

東門上雄雞頭

一枚

右十九味為末蜜和丸如梧子大酒服十九日再稍加至二十丸

又方取原蠶屎

一作矢

一枚井花水服之日三

又方取弓弩弦一枚絳囊盛帶婦人左臂一法以繫腰下滿百日去之

又方取雄黃一兩絳囊盛帶之要女者帶雌黃

又方以斧一柄於產婦卧牀下置之仍繫必向下勿令人知如不信者待雞抱卵時依此置於窠下一窠兒

子盡為雄也

妊娠惡阻第二

論方
法

論曰何以知婦人妊娠脉平而虛者乳子法也經云陰搏陽別謂之有子此是血氣調和陽施陰化也診其手少陰脉動甚者妊子也少陰心脉也心主血脉又腎名胞門子戶尺中腎脉也尺中之脉按之不絕法妊娠也三部脉沉浮正等按之無絕者有娠也

妊娠初時寸微小呼吸五至三月而尺數也妊娠四月

欲知男女者左疾為男右疾為女左右俱疾為產二子
又法左手沉實為男右手浮大為女左右手俱沉實猥
生二男俱浮大猥生二女尺脉若左偏大為男右偏大
為女左右俱大產二子大者如實狀又法左手尺中浮
大者男右手尺中沉細者女若來而斷絕者月水不利
又法左右尺俱浮為產二男不然女作男生俱沉為產
二女不爾男作女生又法得太陰脉為男得太陽脉為
女太陰脉沉太陽脉浮又遣妊娠人面南行還復呼之

左迴首者是男右迴首者是女又看上圖時夫從後急呼之左迴首是男右迴首是女又婦人妊娠其夫左乳房有核是男右乳房有核是女

妊娠欲知將產者懷妊離經其脉浮設腹痛引腰脊為今出也但離經者不病也又法欲生其脉離經夜半覺痛日中則生也

論曰凡婦人虛羸血氣不足腎氣又弱或當風飲冷太過心下有淡水者欲有胎而喜病阻所謂欲有胎者其

人月水尚來顏色肌膚如常但苦沉重憤悶不欲食飲
又不知其患所在脉理順時平和則是欲有妊也如此
經二月日後便覺不通則結胎也阻病者患心中憤憤
頭重眼眩四肢沉重懈惰不欲執作惡聞食氣欲噉鹹
酸果實多卧少起世謂惡食其至三四月日已上皆大
劇吐逆不能自勝舉也此由經血既閉水漬于藏藏氣
不宣通故心煩憤悶氣逆而嘔吐也血脉不通經絡否
溢則四肢沉重挾風則頭目眩也覺如此候者便宜服

半夏茯苓湯數劑後將茯苓丸淡水消除便欲食也既得食力體強氣盛力足養胎母便健矣古今治阻病方有十數首不問虛實冷熱長少殆死者活于此方

半夏茯苓湯治妊娠阻病心中憤悶空煩吐逆惡聞食氣頭眩體重四肢百節疼痛沉重多卧少起惡寒汗出疲極黃瘦方

半夏

生薑

各三
十銖

乾地黄

茯苓

各十
八銖

橘皮

旋復花

細辛

人參

芍藥

芍藥

桔梗

甘草

各十
二銖

右十二味㕮咀以水一斗煮取三升分三服若病阻
積月日不得治及服藥冷熱失候病變客熱煩渴口
生瘡者去橘皮細辛加前胡知母各十二銖若變冷
下痢者去乾地黃入桂心十二銖若食少胃中虛生
熱大便秘塞小便赤少者宜加大黃十八銖去地黃
加黃芩六銖餘依方服一劑得下後消息看氣力冷
熱增損方調定更服一劑湯便急服茯苓丸令能食

便强健也忌生冷醋滑油膩菰菜海藻

茯苓圓治妊娠阻病患心中煩悶頭眩重憎聞飲食氣
便嘔逆吐悶顛倒四肢垂弱不自勝持服之即效要先
服半夏茯苓湯兩劑後可服此方

茯苓

人參

桂心炙

乾薑

半夏

橘皮

各一兩

白朮

葛根

甘草

枳實

各二兩

右十味為末蜜和為丸如梧子飲服二十丸漸加至

三十九日三

肘後不用乾薑半夏橘皮白朮葛根只五味又云妊娠忌桂故焚

治妊娠惡阻嘔吐不下食方

青竹茹

橘皮 各十
八銖

茯苓

生薑 各一
兩

半夏

三十
銖

右五味㕮咀以水六升煮取二升半分三服不瘥頻作

橘皮湯治妊娠嘔吐不下食方

橘皮

竹茹

人參

白朮

各十
八銖

生薑

一兩

厚朴

十二銖

右六味㕮咀以水七升煮取二升半分三服不瘥重

作

養胎第三

論

逐月養胎

禁忌

論曰舊說凡受胎三月逐物變化稟質未定故妊娠三月欲得觀犀象猛獸珠玉寶物欲得見賢人君子盛德大師觀禮樂鍾鼓俎豆軍旅陳設焚燒名香口誦詩書古今箴誠居處簡靜割不正不食席不正不坐彈琴瑟

調心神和情性節嗜慾庶事清淨生子皆良長壽忠孝
仁義聰慧無疾斯蓋文王胎教者也

論曰兒在胎日月未滿陰陽未備腑臟骨節皆未成足
故自初迄于將產飲食居處皆有禁忌

妊娠食羊肝令子多厄食山羊肉令子多病

妊娠食驢馬肉令子延月食鰥肉產難

妊娠食兔肉犬肉令子無音聲并缺唇

妊娠食雞子及乾鯉魚令子多瘡

妊娠食雞肉糯米令子多寸白蟲

妊娠食椹并鴨子令子倒出心寒

妊娠食雀肉并豆醬令子滿面多黥黯黑子

妊娠食雀肉飲酒令子心淫情亂不畏羞恥

妊娠食鼈令子短項

妊娠食水漿絕胎

妊娠勿向非常地大小便必半產殺人

徐之才逐月養胎方

妊娠一月名始胚飲食精熟酸美受御宜食大麥母
食腥辛是謂才正

妊娠一月足厥陰脉養不可針灸其經足厥陰內屬
於肝肝主筋及血一月之時血行否澀不為力事寢
必安靜無令恐懼

妊娠一月陰陽新合為胎寒多為痛熱多卒驚舉重
腰痛腹滿胞急卒有所下當預安之宜服

烏雌雞湯方

烏雌雞一隻

治如食法

茯苓

阿膠

各二兩

吳茱萸

升一

麥門冬

合五

人參

芍藥

白朮

各三兩

甘草

生薑

各一兩

右十味㕮咀以水一斗二升煮雞取汁六升去雞下

藥煎取三升內酒三升并膠烱盡取三升放溫每服

一升日三

補胎湯若曾傷一月胎者當預服此方

細辛

一兩

防風

二兩

乾地黄

白朮

各三兩

生薑

四兩

吳茱萸

大麥

各五合

烏梅

一升

右八味呖咀以水七升煮取二升半分三服先食服寒多者倍細辛茱萸熱多渴者去之加栝蒌根二兩若有所思去大麥加栝子仁三合一方有人參一兩妊娠二月名始膏無食辛臊居必靜處男子勿勞百節皆痛是為胎始結

妊娠二月足少陽脉養不可針灸其經足少陽內屬于膽主精二月之時兒精成于胞裹當慎護驚動也

妊娠二月始陰陽踞經有寒多壞不成有熱即萎悴
中風寒有所動搖心滿臍下懸急腰背強痛卒有所
下乍寒乍熱宜服

艾葉湯方

艾葉

丹參

當歸

麻黃

各二兩

人參

阿膠

各三兩

甘草

四分

生薑

六兩

大棗

十二枚

右九味咬咀以酒三升水一斗煮減半去滓內膠煎

取三升分三服一方用烏雌雞一隻宿肥者治如食
法割頸取血內三升酒中相和次以水一斗二升先
煮取汁去雞內藥煎取三升內血酒并膠煎取三升
分溫三服

黃連湯若曾傷二月胎者當預服此方

黃連

人參

各一兩

吳茱萸

五合

生薑

三兩

生地黄

五兩一方用阿膠

右五味㕮咀以酢漿七升煮取三升分四服日三夜

一十日一修合若頗覺不安加烏梅一升加烏梅者不用漿直取水耳一方用當歸半兩

妊娠三月名始胎當此之時未有定儀見物而化欲生男者操弓矢欲生女者弄珠璣欲子美好數視壁玉欲子賢良端坐清虛是謂外象而內感者也

妊娠三月手心主脉養不可針灸其經手心主內屬于心無悲哀思慮驚動

妊娠三月為定形有寒大便秘青有熱小便難不赤即

黃卒驚恐憂愁嗔怒喜頓仆動于經脉腹滿繞臍苦
痛或腰背卒有所下

雄雞湯方

雄雞一隻

治如
食法

黃芩

白朮

生薑

各一
兩

麥門冬

五
合

芍藥

四
兩

大棗

十二
枚擘

甘草

人參

茯苓

阿膠

各二
兩

右十一味以咀咀以水一斗三升煮雞減半出雞內藥
煮取半內清酒三升并膠煎取三升分三服一日令

盡當溫卧一方用當歸芍藥各二兩不用黃芩生薑
茯神湯若曾傷三月胎者當預服此方

茯神

丹參

龍骨

各一兩

阿膠

當歸

甘草

人參

各二兩

大棗

二十枚

赤小豆

二十枚

右九味㕮咀以酢漿一斗煮取三升分四服先食服

七日後服一劑腰痛者加桑寄生二兩

深師有蘼白二兩麻子一

升

妊娠四月始受水精以成血脉食宜稻粳羹宜魚雁
是謂盛血氣以通耳目而行經絡

妊娠四月手少陽脉養不可針灸其經手少陽內輸
三焦四月之時兒六腑順成當靜形體和心志節飲
食

妊娠四月有寒心下愠愠欲嘔胃膈滿不欲食有熱
小便難數數如淋狀臍下苦急卒風寒頸項強痛寒
熱或驚動身軀腰背腹痛往來有時胎上迫胃心煩

不得安卒有所下

菊花湯方

菊花

雞子大
一枚

麥門冬一升

大棗

十二枚

人參

一兩半

甘草

當歸

各二兩

麻黃

阿膠

各三兩

半夏

四兩

生薑

五兩

右十味㕮咀以水八升煮減半內清酒三升并阿膠煎取三升分三服溫卧當汗以粉粉之護風寒四五日一方用烏雌雞一隻煮水煎藥

調中湯若曾傷四月胎者當預服此方

白芍藥

生薑

各四兩

厚朴

枳實

生李根白皮

白朮

柴胡

各三兩

續斷

芎藭

甘草

各一兩

當歸

一兩半

烏梅

一升

右十二味㕮咀以水一斗煮取三升分四服日三夜
一八日後復服一劑

妊娠五月始受火精以成其氣卧必晏起沐浴浣衣

深其居處厚其衣服朝吸天光以避寒殃其食稻麥
其羹牛羊和以茱萸調以五味是謂養氣以定五臟
妊娠五月足太陰脉養不可針灸其經足太陰內輸
于脾五月之時兒四肢皆成無大饑無甚飽無食乾
燥無自炙熱無太勞倦

妊娠五月有熱苦頭眩心亂嘔吐有寒苦腹滿痛小
便數卒有恐怖四肢疼痛寒熱胎動無常處腹痛悶
頓欲仆卒有所下

阿膠湯主之方

阿膠

四兩

人參

一兩

生薑

六兩

當歸

芍藥

甘草

黃芩

各二兩

旋復花

二合

吳茱萸

七合

麥門冬

一升

右十味㕮咀以水九升煮藥減半內清酒三升并膠微火煎取三升半分四服日三夜一先食服便愈不瘥再服一方用烏雌雞一隻割取咽血內酒中以水煮雞以煎藥減半內酒并膠煎取三升半分四服

安中湯曾傷五月胎者當預服此方

黃芩

一兩

當歸

芍藥

乾地黄

人參

各二兩

甘草

芍藥

各三兩

生薑

六兩

麥門冬

五味子

大麻仁

各五合

大棗

二十枚

右十二味㕮咀以水七升清酒五升煮取三升半分

四服日三夜一七日復服一劑

妊娠六月始受金精以成其筋身欲微勞無得靜處
出遊于野數觀走犬及視走馬食宜鷙鳥猛獸之肉

是謂變腠理紉筋以養其力以堅背脊

妊娠六月足陽明脉養不可針灸其經足陽明內屬于胃主其口目六月之時兒口目皆成調五味食甘美無太飽

妊娠六月卒有所動不安寒熱往來腹內脹滿身體腫驚怖忽有所下腹痛如欲產手足煩疼宜服

麥門冬湯方

麥門冬

升一

人參

甘草

黃芩

各二兩

乾地黄

三兩

阿膠

四兩

生薑

六兩

大棗

十五枚

石八味以水七升煮減半內清酒二升并膠煎取三升分三服中間進糜粥一方用烏雌雞一隻煮水以

煎藥

柴胡湯若冒傷六月胎者當預服此方

柴胡

四兩

茯苓

一兩

白朮

芍藥

一作紫葳

甘草

麥門冬

芎藭

各二兩

生薑

六兩

乾地黄

五兩

大棗

三十枚

右十味㕮咀以水一斗煮取三升分四服日三夜一
中間進糜粥勿食生冷及堅硬之物七日更服一劑
妊娠七月始受木精以成其骨勞身搖肢無使定止
動作屈伸以運血氣居處必燥飲食避寒常食稻粳
以密腠理是謂養骨而堅齒

妊娠七月手太陰脉養不可針灸其經手太陰内屬
于肺主皮毛七月之時兒皮毛已成無大言無號哭
無薄衣無洗浴無寒飲

妊娠七月忽驚恐悸動腹痛卒有所下手足厥冷脉
若傷寒煩熱腹滿短氣常苦頸項及腰背強

蔥白湯主之方

蔥白

長三四寸
十四莖

半夏

麥門冬

各一升

旋復花

二合

黃芩

一兩

人參

一兩半

甘草

當歸

黃耆

各三兩

阿膠

四兩

生薑

八兩

右十一味呖咀以水八升煮減半內清酒三升及膠
煎取四升每服一升日三夜一溫卧當汗出若不出

者加麻黃一兩煮服如前法若秋後勿強漬汗一方
以黃雌雞一隻割咽取血內酒中煮雞取汁以煎藥
杏仁湯若曾傷七月胎者當預服此方

杏仁

甘草

各二兩

紫葳

一兩

鍾乳

乾薑

各三兩

麥門冬

吳茱萸

汁一升

粳米

五合

五味子

三合

右九味㕮咀以水八升煮取三升半分四服日三夜
一中間進食七日服一劑一方用白雞一隻煮汁煎

藥

妊娠八月始受土精以成膚革和心靜息無使氣極是謂密腠理而光澤顏色

妊娠八月手陽明脉養不可針灸其經手陽明內屬于大腸主九竅八月之時兒九竅皆成無食燥物無輒失食無恐大起

妊娠八月中風寒有所犯觸身體盡痛乍寒乍熱胎動不安常苦頭眩痛繞臍下寒時時小便白如米汁

或青或黃或使寒慄腰背苦冷而痛目眈眈

芍藥湯主之方

芍藥

兩四

生薑

兩四

厚朴

兩二

甘草

當歸

白朮

人參

兩各三

薤白

升切一

右八味㕮咀以水五升清酒四升合煮取三升分三

服日再夜一一方用烏雌雞煮汁以煎藥

葵子湯若曾傷八月胎者當預服此方

葵子

升二

甘草

厚朴

兩各二

白朮

柴胡

各三兩

芍藥

四兩

生薑

六兩

大棗

二十枚

右八味㕮咀以水九升煮取三升分三服日三凡十日一劑一方用烏雌雞一隻煮水以煎藥

妊娠九月始受石精以成皮毛六腑百節莫不畢備飲醴食甘緩帶自持而待之是謂養毛髮致才力

妊娠九月足少陰脉養不可針灸其經足少陰內屬于腎腎主續縷九月之時兒脉續縷皆成無處濕冷無著灸衣

妊娠九月若卒得下痢腹滿懸急胎上衝心腰背痛
不可轉側短氣

半夏湯方

半夏

麥門冬

吳茱萸

當歸

阿膠

各三兩

乾薑

一兩

大棗

十二枚

右七味㕮咀以水九升煮取三升去滓內白蜜八合
微火上溫服四服痢即止一方用烏雌雞一隻煮汁

煎藥

猪腎湯若曾傷九月胎者當預服此方

猪腎

具一

茯苓

桑寄生

乾薑

乾地黄

芎藭

各三兩

白朮

四兩

附子

中者一枚

大豆

三合

麥門冬

一升

右十味㕮咀以水一斗煮腎令熟去腎內諸藥煎取三升半分四服日三夜一凡十日更一劑

妊娠十月五臟俱備六腑齊通納天地氣于丹田故使關節人神皆備但俟時而生

妊娠一月始胎二月始膏三月始胞四月形體成五月能動六月筋骨立七月毛髮生八月臟腑具九月穀氣入胃十月諸神備日滿即產矣宜服滑胎藥八月即服

丹參膏養胎臨月服令滑而易產方

丹參

半斤

芎藭

當歸

各二兩

蜀椒

五合有熱者以大麻仁五合代

右四味㕮咀以清酒漉濕停一宿以成煎猪膏四升

微火煎膏色赤如血膏成新布絞去滓每日取如棗許內酒中服之不可逆服至臨月乃可服舊用常驗甘草散令易生母無疾病未生一月日預服過三十日行步動作如故兒生墮地皆不自覺方

甘草

一兩

黃芩

一用茯苓

乾薑

吳茱萸

大豆黃卷

麻子仁

桂心

大麥蘖

各三兩一
方用粳米

右八味治下節酒服方寸匕日三煖水服亦得

千金圓主養胎治產難顛倒胞不出服一丸傷毀不下

產餘病汗不出煩滿不止氣逆滿以酒服一丸

一名保生丸

甘草

貝母

秦椒

大豆黃卷

乾薑

桂心

黃芩

粳米

一作糯米

石斛

石膏

各六銖

當歸

十二銖

麻子

三合

右十二味為末蜜和丸如彈子大每服一丸日三用

棗湯下一方用蒲黃一兩

蒸大黃圓治妊娠養胎令易產方

大黃

三十
銖蒸

枳實

芍藥

白朮

杏仁

各十
銖八

芍藥

乾薑

厚朴

各十
銖二

吳茱萸

一
兩

右九味為末蜜丸如梧桐子大空腹酒下二丸日三

不知稍加之

滑胎令易產方

阿膠

八
兩

滑石


三
兩

車前子

一
升

右三味治下篩飲服方寸匕日再至生月乃服藥利

九竅不可先服



備急千金要方卷二

欽定四庫全書

子部

備急千金要方卷三

詳校官太醫院吏目_臣朱桂

編修_臣倉聖脈覆勘

總校官中書_臣朱鈐

校對官庶吉士_臣嚴福

謄錄監生_臣蔣錦城

欽定四庫全書

備急千金要方卷三

唐 孫思邈 撰

宋 林億等 校正

婦人方

妊娠諸病第四

方灸法

第一胎動及數墮胎

治妊娠三三月上至八九月胎動不安腹痛已有所見

方

艾葉

阿膠

芎藭

肘後不用

當歸

各三兩

甘草

二兩

右五味以水八升煮取三升去滓內膠令消分三服

日三

治妊娠胎動去血腰腹痛方

阿膠

二兩

芎藭

當歸

青竹茹

各五兩

右四味以水一斗半煮銀二斤取六升去銀內藥煎取二升半內膠令烱分三服不瘥重作一方用甘草

二兩

蔥白湯治妊娠胎動不安腹痛方

蔥白

切一升

阿膠

二兩

當歸

續斷

芎藭

各三兩

右五味㕮咀以水一斗先煮銀六七兩取七升去銀
內藥煎取二升半下膠令烊分三服不瘥重作

治妊娠胎動晝夜叫呼口噤脣寒及下重痢不息方

艾葉㕮咀以好酒五升煮取四升去滓更煎取一升

服口閉者格口灌之藥下即瘥亦治妊娠腰痛及妊娠熱病并妊娠卒下血

旋復花湯治妊娠六七月胎不安常服之方

旋復花

兩一

半夏

芍藥

生薑

兩各二

枳實

厚朴

白朮

黃芩

茯苓

兩各三

右九味呖咀以水一斗煮取二升半分五服日三夜

二先食服

治妊娠數墮胎方

取赤小豆為末酒服方寸匕日二亦治妊娠數月月水尚來者

又方妊娠三月灸膝下一寸七壯

第二漏胞方

治妊娠下血如故名曰漏胞胞乾便死方

生地黃半斤㕮咀以清酒三升煮三沸絞去滓服之

無時能多服佳

姚大夫加黃雌雞一頭治如食法崔氏取雞血和藥中服

治妊娠血下不止名曰漏胞血盡子死方

乾地黄搗末以三指撮許酒服不過三服瘥

又方生地黃汁一升清酒四合煮三四沸頓服不止頻服

又方

乾薑

二兩

乾地黄

四兩

右二味治下篩以酒服方寸匕日再三服

第三子煩方

竹瀝湯治妊娠常苦煩悶此是子煩

竹瀝升一

麥門冬

防風

黃芩

各三兩

茯苓

四兩

右五味以水四升合竹瀝煮取二升分三服不瘥再
又方時時服竹瀝隨多少取瘥止

第四心腹腰痛及脹滿方

治妊娠心痛方

青竹皮一升以酒二升煮三兩沸頓服

又方破生雞子一枚酒和服之

又方

白蜜

三兩

羊脂

八兩

青竹茹

一升

右三味合煎食頓服如棗核大三枚日三

又方蜜一升和井底泥泥心下

又方燒棗二七枚為末尿服之立愈

治妊娠腹中痛方

生地黃三斤搗絞取汁用清酒一升合煎減半頓服

又方燒車釭脂內酒中服亦治妊娠欬嗽并產難三日
不出

又方取蜜一升頓服良

治妊娠腹中滿痛又心不得飲食方

黃芩

三兩

芍藥

四兩

白朮

六兩

右三味㕮咀以水六升煮取三升分三服半日令藥
盡微下水令易生月飲一劑為善也

治妊娠忽苦心腹痛方

燒鹽令赤熱三指撮許酒服之立產

治妊娠傷胎結血心腹痛方

取小兒尿二升頓服之立瘥大良

治妊娠中惡心腹痛方

新生雞子二枚破著杯中以糯米粉和如粥頓服亦

治妊娠卒胎動不安或但腰痛或胎轉搶心或下血

不止

又方水三升洗夫靴剔汁溫服

治妊娠中蠱心腹痛方

燒敗鼓皮酒服方寸匕須臾自呼蠱主姓名

治妊娠腰痛方

大豆二升以酒三升煮取二升頓服之亦治常人卒腰痛者

又方麻子三升以水五升煮取汁三升分五服亦治心痛

又方

鼓

二兩

榆白皮

三兩

右二味熟搗蜜丸如梧桐子大服二七丸亦治心痛

又方燒牛屎焦末水服方寸匕日三服

又方地黄汁八合酒五合合煎分溫服

治妊娠脹滿方

取秤鉋燒之淬酒中服良亦治妊娠卒下血

第五傷寒方

治妊娠傷寒頭痛壯熱肢節煩疼方

石膏

八兩

大青

黃芩

各三兩

葱白

切一升

前胡

知母

梔子仁

各四兩

右七味㕮咀以水七升煮取二升半去滓分五服相去如人行七八里久再服

治妊娠頭痛壯熱心煩嘔吐不下食方

知母

四兩

粳米

五合

生蘆根

一升

青竹茹

三兩

右四味以水五升煮取二升半稍稍飲之盡更作瘥

止

治妊娠傷寒服湯後頭痛壯熱不歇宜用此湯拭其身

麻黃

半斤

竹葉

切一升

石膏

三升
為末

右三味以水五升煮取一升去滓冷用拭身體又以故布揄頭額胃心燥則易之患瘡者加恒山五兩

治妊娠傷寒方

蔥白

十莖

生薑

二兩
切

右二味以水三升煮取一升半頓服取汗

治妊娠中風寒熱腹中絞痛不可鍼灸方

鯽魚一頭燒作灰擣末酒服方寸匕取汗

治妊娠遭時疾令子不落方

取竈中黃土水和塗臍乾復塗之一方酒和塗方五寸又泔清和塗之並佳

又方大尿泥塗腹勿令乾

治妊娠熱病方

蔥白

五兩

豆豉一升

右二味以水六升煮取二升分二服取汗

又方蔥白一把以水三升煮令熟服之取汗食蔥令盡亦主安胎若胎已死者須臾即出

又方車轄脂酒服大良

又方井底泥泥心下三寸立愈

又方青羊屎塗腹上

又方水服伏龍肝一雞子大

治大熱煩悶者方

葛根汁二升分三服如人行五里久進一服

又方燒大棗七枚為末酒和服

又方槐實燒灰取方寸匕酒和服

第六瘡病方

治妊娠患瘡湯方

恒山

兩二

甘草

兩一

黃芩

兩三

烏梅

枚十四

石膏

兩八

右五味㕮咀以酒水各一升半合漬藥一宿煮三四沸去滓初服六合次服四合後服二合凡三服

又方

恒山

竹葉

各三兩

石膏

八兩

粳米

一百粒崔氏外臺作糯
米集驗救急作秫米

右四味呿咀以水六升煮取二升半去滓分三服第一服取未發前一食頃服之第二服取臨欲發服之餘一服用以塗頭額及胃前五心藥滓置頭邊當一日勿近水及進飲食過發後乃進粥食

第七下血方

治妊娠忽暴下血數升胎燥不動方

榆白皮

三兩

當歸

生薑

各二兩

乾地黄

四兩

葵子

一升肘後不用

右五味以水五升煮取二升半分三服不瘥更作服之

馬通湯治妊娠卒驚奔走或從高墮下暴出血數升方

馬通汁

一升

乾地黄

阿膠

各四兩

當歸

艾葉

各三兩

右五味㕮咀以水五升煮取二升半去滓內馬通汁
及膠令烱分三服不瘥重作

膠艾湯

治妊娠二三月上至七八月其人頓仆失踞胎動不下
傷損腰腹痛欲死若有所見及胎奔上搶心短氣方

艾葉

三兩

阿膠

芍藥

芍藥

甘草

當歸

各二兩

乾地黄

四兩

右七味㕮咀以水五升好酒三升合煮取三升去滓

內膠更上火令盡消分三服日三不瘥更作

治妊娠卒下血方

葵子一升以水五升煮取二升分三服瘥止

又方生地黃切一升以酒五升煮取三升分三服亦治
落身後血

又方取葵根莖燒作灰以酒服方寸匕日三

蟹爪湯治妊娠僵仆失據胎動轉上搶心甚者血從口
出逆不得息或注上下血一斗五升胎不出子死則寒

熨人腹中急如產狀虛乏少氣困頓欲死煩悶反覆服藥母得即安下血亦止其當產者立生方

蟹爪升一

甘草

桂心

各二尺

阿膠

二兩

右四味咬咀以東流水一斗煮取三升去滓內膠烱盡能為一服佳不能者食頃再服若口急不能飲者格口灌之藥下便活也與母俱生若胎已死獨母活也若不僵仆平安妊娠無有所見下血服此湯即止或云桂不安胎亦未必爾

治妊娠胎墮下血不止方

丹參十二兩咬咀以清酒五升煮取三升分三服溫

日三

又方地黄汁和代赭為末服方寸匕

又方桑蠟蟲屎燒灰酒服方寸匕

香豉湯治半產下血不盡苦來去煩滿欲死方

香豉一升半以水三升煮三沸漉去滓內成末鹿角

一方寸匕頓服之須臾血自下鹿角燒亦得

第八小便病方

灸法

治妊娠小便不利方

葵子

升一

榆白皮

切一把

石二味以水五升煮五沸每服一升日三

又方

葵子

茯苓

兩各一

石二味為末以水服方寸匕日三小便利則止

仲景云
妊娠有

水氣身重小便不利
洒淅惡寒起即頭眩

治妊娠患子淋方

葵子一升以水三升煮取二升分再服

又方葵根一把以水三升煮取二升分再服

治妊娠小便不通利方

蕪菁子七合為末水和服方寸匕日三

治妊娠尿血方

黍穰燒灰酒服方寸匕日三

治婦人無故尿血方

龍骨五兩治下節酒服方寸匕空腹服日三久者二十服愈

又方

爪甲

亂髮

右二味並燒末等分酒服方寸匕日三飲服亦得

又方

桂心

鹿角屑

大豆黃卷

各一兩

右三味治下節酒服方寸匕日三

又方取夫爪甲燒作灰酒服之

又方取故船上竹茹曝乾搗末酒服方寸匕日三亦主遺尿

治婦人遺尿不知出時方

白薇

芍藥

各一兩

右二味治下篩酒服方寸匕日三

又方

礬石

牡蠣

各二兩

右二味治下節酒服方寸匕亦治丈夫

又方胡鷺窠中草燒末酒服半錢匕亦治丈夫

又方燒遺尿人薦草灰服之瘥

又方灸橫骨當陰門七壯

第九下痢方

灸法

治妊娠下痢方

人參

三兩

黃芩

三兩

檉皮

四兩

粳米

三合

酸石榴皮

三兩

石五味㕮咀以水七升煮取二升半分三服

又方白楊皮一斤㕮咀以水一大升煮取二小升分三服

又方燒中衣帶三寸為末服之

又方羊脂如碁子大十枚溫酒一升投中頓服之日三治妊娠患膿血赤滯魚腦白滯臍腹絞痛不可忍者方

薤白

升切一

酸石榴皮

黃蘗

各三兩產寶作黃連

阿膠

二兩

地榆

四兩

右五味㕮咀以水七升煮取二升半分三服不瘥更作

治妊娠注下不止方

阿膠

艾葉

酸石榴皮

各二兩

右三味以水七升煮取二升去滓內膠令烊分三服
治妊娠及產已寒熱下痢方

黃連

升一

黃蘗

斤一

梔子

三十枚

右三味㕮咀以水五升漬一宿煮三沸服一升一日

一夜令盡嘔者加橘皮一兩生薑二兩亦治丈夫常痢

治婦人欲痢輒先心痛腹脹滿日夜五六十行方

石榴皮

麴

各八兩

黃蘗

一作麥蘗

烏梅

黃連

艾

各一兩

防己

二兩

阿膠

乾薑

各三兩

附子

五兩

右十味為末蜜和丸如梧子大飲服二十九日三漸加至三十四丸

治婦人水洩痢方

灸氣海百壯三報

第十水腫方

治妊娠體腫有水氣心腹急滿湯方

茯苓

白朮

各四兩
崔氏無朮

黃芩

杏仁

各三兩

旋復花

二兩

右五味㕮咀以水六升煮取二升半分作三服

鯉魚湯治妊娠腹大胎間有水氣方

鯉魚一頭二斤白朮

生薑各五兩

芍藥

當歸各三兩

茯苓四兩

右六味㕮咀以水一斗二升先煮魚熟澄清取八升
內藥煎取三升分五服

治妊娠毒腫方

蕪菁根淨洗去皮搗酢和如薄泥勿令有汁猛火煮
二三沸適性薄腫以帛急裹之日再易寒時溫覆非
根時用子若腫在咽中取汁含咽之

又方燒犛牛尿酢和傅之乾則易亦可服方寸匕日三
治妊娠手脚皆腫攣急方

赤小豆

升五

商陸根

一斤切

右二味以水三斗煮取一斗稍稍飲之盡更作一方
加澤漆一斤

產難第五

論方
鍼法

論曰產婦雖是穢惡然將痛之時及未產已產並不得
令死喪污穢家人來視之則生難若已產者則傷兒也

婦人產乳忌反支月若值此月當在牛皮上若灰上勿
令水血污物著物則殺人及浣濯衣水皆以器盛過此
忌月乃止

凡生產不依產圖脫有犯觸於後母子皆死若不至死
即母子俱病庶事皆不稱心若能依圖無所犯觸母即
無病子亦易養

凡欲產時特忌多人瞻視惟得三二人在傍待總產訖
乃可告語諸人也若人衆看視無不難產

凡產婦第一不得忽忽忙怕傍人極須穩審皆不得預
緩預急及憂悵憂悵則難產若腹痛眼中火生此兒迴
轉未即生也兒出訖一切人及母皆忌問是男是女兒
始落地與新汲井水五咽忌與暖湯物勿令母看視穢
汚

凡產婦慎食熱藥熱麪食常識此飲食當如人肌溫溫
也

凡欲臨產時必先脫尋常所著衣以籠竈頭及竈口令

至密即易產也

凡產難及子死腹中并逆生與胞胎不出諸篇方可通檢用之

治產難或半生或胎不下或子死腹中或著脊及坐草數日不產血氣上搶心母面無顏色氣欲絕者方

醇酒

二升

白蜜

一升

成煎猪膏

一升

右三味合煎取二升分再服不能再服可隨所能服之治產後惡血不除上搶心痛煩急者以地黃汁代

金匱要略卷三
醇酒

治難產方

槐枝

升切二

榆白皮

切

大麻仁

升各一

瞿麥

通草

雨各三

牛膝

五兩

右六味㕮咀以水一斗二升煮取三升半分五服

又方吞皂莢子二枚

又方取廁前已用草二七枚燒作屑水調而服之

又方令夫唾婦口中二七過立出

又方鍼兩肩井入一寸寫之須臾即分娩

治產難三日不出方

取鼠頭燒作屑并花水服方寸匕日三

又方車軸脂唇大豆許兩丸

又方燒藥杵令赤內酒中飲之

又方燒大刀鏤以酒一杯沃之頓服即出救死不分婉

者

治產難累日氣力乏盡不得生此是宿有病者方

阿膠

二兩

赤小豆

二升

右二味以水九升煮豆令熟去滓內膠令烊每服五合不覺更服不過三服即出

又方

槐子

十四枚

蒲黃

一合

右二味合內酒中溫服須臾不生再服之水服亦得

又方

生薑汁

生地黄汁

各半升

右二味合煎熟頓服之

治產難及日月未足而欲產者方

知母一兩為末蜜丸如兔屎大每服一丸痛不止更
一丸

羚羊角散治產後心悶是血氣上衝心所致

羚羊角一枚燒作灰下篩以東流水服方寸匕若未
瘥須臾再服取悶瘥乃止

又方殺羊角燒作灰以溫酒服方寸匕不瘥須臾再進

備急方以
治產難

治產乳運絕方

半夏一兩擣篩丸如大豆內鼻孔中即愈

此是扁鵲法

又方神麴末水服方寸匕亦治產難

又方赤小豆擣為散取東流水服方寸匕不瘥更服

又方含醎醋嚥面即愈凡悶即嚥之

又方取醎醋和產血如棗許大服之

治心悶方

產後心悶眼不得開即當頂上取髮如兩指大強以人牽之眼即開

子死腹中第六

論方

論曰凡婦人產難死生之候母面赤舌青者兒死母活母脣口青口兩邊沫出者母子俱死母面青舌赤口中沫出者母死子活

治動胎及產難子死腹中并妊娠兩兒一死一生服之令死者出生者安神驗方

蟬爪

一升

甘草

二尺

阿膠

三兩

右三味以東流水一斗先煮蟬爪甘草得三升去滓
次內膠令烊頓服之不能分再服若人因拘口內藥藥
入即活煎藥作東向竈用葦薪煮之

真珠湯治胎死腹中方

熟真珠

一兩

榆白皮

切一升

右二味以苦酒三升煮取一升頓服之死胎立出

治子死腹中不出方

以牛尿塗母腹上立出

又方取竈下黃土三指撮以酒服之立出土當著兒頭上亦治逆生及橫生不出手足先見者

又方服水銀三兩立出

又方取夫尿二升煮令沸飲之

又方酢二升拗口開灌之

又方吞槐子二七枚亦治逆生

又方三家雞卵各一枚三家鹽各一撮三家水各一升

合煮令產婦東向飲之立出

又方瞿麥一斤以水八升煮取二升一服一升不出再服

治胎死腹中乾燥著背方

葵子

升一

阿膠

雨五

右二味以水五升煮取二升頓服之未出再煮服
治妊娠未足月而胎卒死不出其母欲死方

以苦酒濃煮大豆每服一升死胎立出不能頓服分

再服一方用醇酒煮大豆亦治積聚成癥

治妊娠胎死腹中若子生胞衣不出腹中引腰背痛方

甘草

一尺

筒桂

四寸

雞子

一枚

蒲黃

二合

香豉

二升

右五味以水六升煮取一升頓服之胎胞穢惡盡去

大良

治妊娠得病須去胎方

以雞子一枚鹽三指撮和服立下

此與阮河南
療難產相同

又方麥蘖一升為末和蜜一升服之立下

又方七月七日神麴三升酢一升煮兩沸宿不食平旦頓服之即下

又方大麥麴五升酒一斗煮三沸去滓分五服令盡當宿勿食其子如糜令母肥盛無疾苦千金不傳

逆生第七

論方

論曰凡產難或兒橫生側生或手足先出可以鍼錐刺兒手足入一二分許兒得痛驚轉即縮自當迴順也

治逆生方

以鹽塗兒足底又可急爪搔之并以鹽摩產婦腹上

即愈

又方以鹽和粉塗兒足下即順

子母秘錄云以鹽和明粉

又方取梁上塵如彈丸許二枚治末三指撮溫酒服之
治逆生及橫生不出手足先見者方

燒蛇蛻皮為末服一刀圭

亦云三指撮

面向東酒服即順

又方取蟬殼二枚治為末三指撮許溫酒服之

崔氏外臺子母

秘錄作彈丸二
枚為末酒服

又方取夫陰毛二七莖燒以猪膏和丸如大豆吞之兒
手即持丸出神驗

又方取蛇蛻皮燒灰猪膏和丸東向服

又方以手中指取釜底墨交畫兒足下即便順生

又方取父名書兒足下即順生

治橫生及足先出者方

取梁上塵竈突墨酒服之

又方取車釭中脂書兒足下及掌中

治縱橫生不可出者方

菟絲子末酒若米汁服方寸匕即生車前子亦好服
如上法

又方以水苦酒服竈突墨塵

治產時子但趨穀道者方

熬鹽熨之自止

胞胎不出第八方

牛膝湯治產兒胞衣不出令胞爛方

牛膝

瞿麥

各一兩

當歸

通草

各一兩半

滑石

二兩一方用桂心二兩

葵子

半升

右六味㕮咀以水九升煮取三升分三服

治產難胞衣不出橫倒者及兒死腹中母氣欲絕方

半夏

二兩

白斂

二兩

右二味治下篩服方寸匕小難一服橫生二服倒生

三服兒死四服亦可加代赭瞿麥各二兩為佳

治胎死腹中若母病欲下之方

取榆白皮細切煮汁三升服之即下難生者亦佳

又方生地黃汁一升苦酒三合令暖服之不能頓服分再服亦得

又方

牛膝

三兩

葵子

一升

右二味以水七升煮取三升分三服

又方

澤蘭葉

三兩

滑石

五合

生麻油

二合

右三味以水一升半煮澤蘭取七合去滓內滑石麻油頓服之

治胞衣不出方

取小麥合小豆煮令濃飲其汁立出亦治橫逆生者
又方取瓜瓣二七枚服之立出良

又方取水煮弓弩弦飲五合即出亦可燒灰酒和服

又方取宅中所埋柱掘出取坎底當柱下土大如雞子

酒和服之良

又方墨三寸為末酒服

又方取蒲黃如棗許以井花水服

又方苦酒服真珠一兩

又方雞子一枚苦酒一合和飲之

又方生男吞小豆七枚生女者十四枚即出

治逆生胎不出方

竈上墨以酒煮一兩沸取汁服

治產後胞不時出方

井底土如雞子中黃以井花水和服立出

又方取井中黃土丸如梧桐子吞之立出又治兒不出
治子死腹中若衣不出欲上搶心方

急取蟻蛭土三升熬令熱囊盛熨心下令胎不得上
搶心良

又方末竈突中墨三指撮許以水苦酒調服立出當著
兒頭生

又方取夫內衣蓋井上立出

又方取炊篩當戶前燒服之

下乳第九方

鍾乳湯治婦人乳無汁方

石鍾乳

消石

一方用滑石

白石脂

各六兩

通草

十二銖

桔梗

半兩切

石五味咀咀以水五升煮三沸三上三下去滓內消

石令烱分服

又方

石鍾乳

通草

各等分

右二味為末粥飲服方寸匕日三後可兼養兩兒

通草

橫心者是勿取羊
桃根色黃無益

一方二味酒五升漬一宿明旦煮

沸去滓服一升日三夏冷服冬溫服

又方

石鍾乳

四兩

甘草

二兩一
不用

漏蘆

三兩

通草

括萎根

五兩

右五味㕮咀以水一斗煮取三升分三服

一云用枯
薑實一枚

又方

石鍾乳

通草

各一兩

漏蘆

半兩

桂心

甘草

枯薑根

各六銖

右六味治下節酒服方寸匕日三最驗

又方

石鍾乳

漏蘆

各二兩

右二味治下節飲服方寸匕即下

漏蘆湯治同前

漏蘆

通草

各二兩

石鍾乳

一兩

黍米

一升

石四味咬咀米宿漬搗取汁三升煮藥三沸去滓作飲飲之日三

漏蘆散治同前

漏蘆

半兩

石鍾乳

桔萸根

各一兩

蟬蛸

三合

石四味治下節先食糖水服方寸匕日三

單行石膏湯治同前

石膏四兩研以水二升煮三沸稍稍服一日令盡

麥門冬散治同前

麥門冬

通草

理石

石鍾乳

右四味各等分治下篩先食酒服方寸匕日三

又方

麥門冬

通草

理石

石鍾乳

土瓜根

大棗

蟬螬

右七味等分治下篩食畢用酒服方寸匕日三

又方母豬蹄一具粗切以水二斗熟煮得五六升汁飲之不出更作

又方

豬蹄

二枚熟炙搥碎

通草

八兩細切

右二味以清酒一斗浸之稍稍飲盡不出更作

外臺豬蹄

不炙以水一斗煮取四升入酒四升更煮飲之

又方栝蒌根切一升酒四升煮三沸去滓分三服

又方

栝蒌根

漏蘆

各三兩

石鍾乳

四兩

白頭翁

一兩

滑石

通草

各二兩

右六味治下節以酒服方寸匕日三

又方取栝蒌子尚青色大者一枚熟搗以白酒一斗煮取四升去滓溫服一升日三黃色小者用二枚亦好又方土瓜根治下節服半錢匕日三乃乳如流水

單行鬼箭湯治同前

鬼箭五兩以水六升煮取四升每服八合日三亦可

燒作灰水服方寸匕日三

甘草散治同前

甘草一兩

通草三十銖

石鍾乳二十銖
雲母二兩半

屋上散草二把燒為灰

右五味治下篩食後溫漏蘆湯服方寸匕日三乳下

止

又方燒死鼠作屑酒服方寸匕日三立下勿令知

又方燒鯉魚頭為末酒服三指撮

鯽魚湯下乳汁方

鯽魚

長七寸

豬肪


半斤

漏蘆

石鍾乳

各八兩

右四味切豬肪魚不須洗治清酒一斗二升合煮魚熟藥成絞去滓適寒溫分五服其間相去須臾一飲令藥力相及為佳乳即下



備急千金要方卷三